

Nd.

321. Breytingartillögur

við frv. til l. um fræðslu barna.

Frá menntamálanefnd.

1. Við 3. gr.
 - a. Í stað „fræðslumálastjórn“ í 1. málsgr. komi fræðsluráð.
 - b. Í stað „og getur hún þá numið“ í 3. málsgr. komi: og nemur hún þá.
2. Við 8. gr. Greinin orðist svo:
Hver sýsla og hver kaupstaður er fræðsluhérað. Þó skal sameina tvær sýslur í eitt fræðsluhérað svo og hrepp eða hluta úr hreppi fræðsluhéraði annarrar sýslu, þegar fræðslumálastjórn mælir svo fyrir og hlutaðeigandi fræðsluráð samþykja. Hvert fræðsluhérað er eitt eða fleiri skólahverfi, og er einn barnaskóli í hverju skólahverfi.
3. Við 9. gr. Greinin orðist svo:
Fræðslumálastjórn mælir fyrir um, hvernig fræðsluhéraði skuli skipt í skólahverfi, enda samþykki hlutaðeigandi fræðsluráð skiptinguna.
4. Við 12. gr. Í stað niðurlagsorðanna „að minnsta kosti“ komi: eða fleiri.
5. Við 17. gr. Við greinina bætist ný málsgr., svo hljóðandi:
Skólastjórar og kennarar heimavistarskóla skulu ekki skipaðir fyrr en eftir tveggja ára reynslutíma í heimavistarskóla.
6. Við 18. gr.
 - a. Í stað orðanna „skal fækka“ í 1. málsgr. komi: má fræðslumálastjórn fækka.
 - b. Við aðra málsgr. bætist: Eigi verður skólastjóri leystur frá þeirri kennsluskyldu, nema samþykki fræðslumálastjórnar komi til.
7. Við 21. gr.
 - a. 3. málsgr. orðist svo:
Skólastjóri hefur umráðarétt yfir húsnæði skólans og munum í þágu skólastarfsins. Að öðru leyti hefur skólanefnd i samráði við skólastjóra umráðaréttinn, en verði ágreiningur þeirra í milli, sker fræðslumálastjórn úr.
 - b. Í stað orðanna „i samráði við skólanefnd“ i síðustu málsgr. komi: með samþykki skólanefndar.
8. Við 24. gr. Fyrsta málsgr. orðist svo:
Tölu fastra kennara skal miða við það, að 40 börn komi á hvern kennara, sem kennir fulla kennslu í 9 mánuði, en 5 börnum færra fyrir hvern mánuð, er hann kennir skemur. Eftir reglum, er fræðslumálastjórn setur, skal þó ætla nokkru

færri börn á kennara í skólum með færri en 150 nemendum. Sérkennurum í sundi og handavinnu skal ætla sem næst helmingi færri börn en öðrum kennurum.

9. Við 25. gr. Greinin falli burt (og breytist greinatalan samkvæmt því).
10. Við 26. gr. Siðasti málslíður greinarinnar falli burt.
11. Við 27. gr. Greinin orðist svo:

Í hverju skólahverfi skal vera skólanefnd, skipuð þremur mönnum. Skulu tveir þeirra kosnir af nýkosinni sveitarstjórn, en fræðslumálastjórn skipar einn, og skal hann vera formaður. Hlutfallskosningu skal viðhafa, ef krafa kemur fram um það. Ef tveir eða fleiri hreppar eru í skólahverfi, setur fræðslumálastjórn reglur um kosningu skólanefndar, sem má þá vera skipuð 5 mönnum. Varamenn skulu kosnir samtímis aðalmönnum. Kjörtímabil skólanefnda og fræðsluráða skal vera hið sama og sveitarstjórna, og um kjörgengi skulu sömu reglur gilda.

Í kaupstöðum er heimilt að fela fræðsluráði störf skólanefndar, ef fræðslumálastjórn mælir svo fyrir og hlutaðeigandi bæjarstjórn samþykkir.

12. Við 31. gr. Orðin „Tillögur skólastjóra og námsstjóra eru forgangstillögur“ falli burt.

13. Við 36. gr. Orðin „í upphafi skólaárs“ falli burt.

14. Við 39. gr. Á eftir orðunum „eigi skemur en 7 mánuðir á ári“ bætist: svo fremi að barnafjöldi leyfi það.

15. Við 40. gr. Upphaf greinarinnar orðist svo:

Í heimavistarskólum og heimangönguskólum í sveitum er heimilt ...

16. Við 41. gr. Greinin orðist svo:

Leyfi í barnaskólum skulu ákveðin í reglugerð.

17. Við 51. gr. Orðin „hið fæsta“ falli burt.

18. Á undan ákvæðum til bráðabirgða komi ný grein, er verði 56. gr., svo hljóðandi:

Með lögum þessum eru úr gildi felld lög nr. 94 23. júní 1936 og lög um breyting á þeim, nr. 44 12. febr. 1940, svo og önnur ákvæði og fyrirmæli, sem fara í bág við þessi lög.

19. Við ákvæði til bráðabirgða.

Siðari málsg. falli burt.